

بِسْمِ اللَّهِ الرَّحْمَنِ الرَّحِيمِ

Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

15 Juillet 2016 ~
(10 Shawwal 1437 AH)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet « Protéze L'Honneur de Bane Les Autres »:

Allah (swt) dire dans Quran Shareef :

وَإِذَا الْمَوْءِدَةُ سُئِلَتْ ^{بِ}بِأَيِّ ذَنْبٍ قُتِلَتْ ^ع

Wa 'izal - maw - 'uudatu su'ilat; Bi - 'ayyi zambin - qutilat?

« Bane ki content ki nouvel malpropre faner parmi bane croyant pou gagne ene punition ki faire bien mal, dans sa la vie là et dans l'autre la vie aussi. Allah conner, ou pas conner. » (An-Noor 24 : 20).

Dans ene Hadith Hazrat Muhammad (saws) fine dire: « *Celui qui trouve ene défaut et qui pas dévoile li, li comparable à celui qui sauve ene (tifille ki fine) enterrée vivant de so tombe.* » (Kanz al-'Ummal, Tabarani).

Sa Hadith Sahih là enseigne nous ki celui qui découvert ene défaut, physique ou moral avec ene musulman et qui pas dévoile li, c'est-à-dire, li pas propage sa parmi bane dimounes, mais li garde sa secret, alors sa dimoune là pou gagne ene récompense comparable à récompense ki celui qui sauve ene fille enterrée vivant de so tombe pou gagner, parski sa zaffaire pou enterre bane tifilles vivant là ti ene pratique bien courant parmi bane Arabes à l'époque de *Jaahiliyyah* (l'ignorance, avant l'Islam), parmi bane païens, et bane dimounes ignorants avant la venue du Messager d'Allah Hazrat Muhammad (saws). Nous bizin conseille bane dimounes pou corrige zot, mais li *Haraam* (illicite) pou nous pou dévoile zot bane défauts devant bane ki pas concerné avec sa zaffaire là.

CELUI QUI REPENTIR D'ENE PÉCHÉ LI PAREIL COUMA CELUI QUI PAS FINE COMMETTE PÉCHÉ LÀ

Ene Hadith du Saint Prophète Muhammad (saws) dire ki : « *Celui qui repentir d'ene péché li pareil couma celui qui pas fine commette péché là.* » (Ibn Majah).

Avant l'avènement de Hazrat Muhammad (saws) comme Messenger d'Allah, sa pratique pou enterre bane tiffilles vivant ti bien répandu parmi bane Arabes. Certains compagnons du Saint Prophète (saws), kan zot ti encore dans période l'ignorance (*Jaahiliyyah*), zot aussi fine arriver commette sa crime là, et parmi ti ena ene missié, ki avant ki li alle commette sa acte là, li ti connu parmi bane dimounes pour so générosité et so capacité pou ena pitié pou lézot. Sa missié là fine subir ene tel évènement ki fine tente li pou livré li à sa mauvais pratique là.

Évènement là li comme suite : ene de bane tribus arabes ti attaque zot à so tribu et fine arriver pran ene de so bane tiffille comme prisonnier. Ensuite fine ena réconciliation entre sa deux tribus là et sa tiffille là fine alle content ene membre de l'autre tribu ki ti emprisonne li là. Et sa l'autre là aussi fine content tiffille là aussi. Alor tiffille là fine présenté avec le choix pou choisir pou retourne auprès de so papa ou pou reste avec sa dimoune ki li fine alle content là. Et alor tiffille là fine décider pou reste dans l'autre tribu là avec sa dimoune ki li fine alle content là, et de sa façon là fine préfère li à so papa, et papa là ti ene dimoune bien important au sein de so peuple (de so tribu). Li ti accueillant, généreux, indulgent et li ti connu pour être quelqu'un de bien parmi bane dimounes. Alors papa là (kan li fine entende sa) fine vine bien en colère vis-à-vis de so tiffille et li fine fer serment ki si arriver li gagne bane les autres tiffilles, li pou enterre zot tous vivant. De sa façon là, sak fois ki li ti pé gagne ene tiffille, li ti pé enterre li ziska ki en tout li fine enterre huit de so bane tiffilles. Après ki sa missié là fine converti à l'Islam, li fine regrette profondément et sincèrement saki li fine fer comme actions dans le passé. Li fine demande le Messenger d'Allah (saws) séki li capave fer pou ki li capave vine complètement purifié de saki li fine commette, c'est-à-dire, sa bane actions ki li fine fer là kot li fine enterre so huit tiffilles vivant. Le Messenger d'Allah (saws) fine dire li : « *Libère bane esclaves !* » Mais dimoune là fine dire ki li ti plutôt propriétaire de bane chameaux, et li fine offert cent chameaux!

Allah (swt) fine condamne dans Quran Shareef sa pratique là, c'est-à-dire, enterre bane tiffilles vivant:

« Et quand pou demande à sa tiffille ki fine enterré vivant là, pour ki péché li fine être assassiné ? » (At-Takwir 81: 9-10).

Le Messenger d'Allah (saws) fine compare la récompense de celui qui fine trouve dans so frère musulman ene défaut et qui pas dévoile li à celui d'ene dimoune qui sauve ene fille enterré avant ki li mort touffé enba la terre. Li fine cause d'ene tel défaut qui, si sa dévoilé à bane dimounes, sa pou bien gêne sa dimoune là sans ki sa apporte li kit bénéfice. Sa montré à ki point sa pratique pou protége l'intimité et la dignité de bane les autres li important. Et en plus de sa, sa rapproche bane croyants et renforce zot bane liens d'affection.

Ene dimoune fine vine auprès de nous maître Hazrat Oumar (ra) le Chef de bane Croyants (*Amirul Mumineen*) et fine dire li : « *A l'époque de Jaahiliyyah, mo ti enterre mo tifille vivant mais avant ki li mort, mo fine déterre li! Plus tard, nous fine convertis à l'Islam. Kan li fine grandi, et tout en étant musulman, li fine commette ene interdit immoral ki mérite ene sanction ; sa ti passé kan ti li bien jeune. Alor, li ti pran ene lame pour suicide li mais nous fine réussi sauve li après ki nous fine coupe ene partie de so carotide (ene de so bane l'artères). Nous fine soigne li et li fine repenti sincèrement. Et, bane dimoune fine demande li en mariage, alor eski mo bizin informe zot de sa zaffaire là (c'est-à-dire, de sa, et de tout saki fine passé dans la vie de sa tifille là) ? »*

Sa papa là ti penser soi-disant bien faire en racontant tout sa avec le Calife de bane musulmans Hazrat Oumar (ra), parski d'après li, li ti penser ki pour même sa bane kalité incident là, li bizin honnête, et pas trompe bane dimoune. Mais le Calife, d'après bane préceptes islamiques fine réprimande li et dire li : « *To pé dévoile ene défaut ki Allah Ta'ala fine cachiette ? Si to informe quiconque de sa, mo pou fer de toi ene l'exemple de punition ki bane dimoune pou causer dans bane la villes ! »*

C'est-à-dire, ki si to arriver fanne sa bane nouvelles concernant péchés ki to tifille fine commette dans le passé, alor c'est moi ki pou fer toi subir ene punition ki pou servi comme modèle et ki pou spectaculaire afin ki personne après toi pas pou rode fer ene tel action pareil couma toi to fine fer (kot to pé dévoile péchés de to tifille). Sa pou vine ene l'exemple de correction ki mo pou inflige lor toi et kot bane habitants de bane la villes pou causer en disant: '*Intel, garçon d'intel fine fer tel zaffaire, et Hazrat Oumar (ra) fine faire li subir bane sanctions.*'

Nous bizin tire ene leçon de sa incident là ki li pas autorisé pou nous pou évoque bane fautes d'ene musulman ki fine commette ene péché après ki li fine repenti, et alor nous, faudé pas nous fer rappelle sa déshonneur et sa kitchose honteux ki li ti fer auparavant là. Quel que soit sa déshonneur et sa péché là, li pas permis ki sa bane péchés là dévoilé après repentir de sa musulman ou musulmane là. L'être humain change l'état au cours de so la vie. Li capave ki li fine arriver commette bane grands péchés, et ensuite li fine débarrasse li de sa par le repentir et li fine vine ene dimoune pure et pieux.

PAS PROPAGE DÉFAUT OU PÉCHÉ OU MAUVAIS CARACTÈRE DE PERSONNE

Ena ene mérite pour ene musulman qui pas dévoile le défaut ou péché de so frère, sa aussi ene encouragement pou na pas divulguer nannié lor so compte et pou pas faire sa vine le sujet d'ene scandale. Alors méfié ou de faire partie de bane qui pas retenir zot, kot zot alle de l'avant (devant devant) dans zot démarches pou nuire et anéanti réputation d'ene l'autre musulman, c'est-à-dire, bane qui cause de sa musulman là sans cesse et offense li n'importe kot sa zot été et qui prend sa comme ene l'habitude. Zot péché li couma péché de celui qui commette le pire de bane cas d'uzure, pareil couma le Messenger d'Allah (saws) fine dire: « *Parmi bane pires cas de l'uzure (de Riba) c'est pou attaque (ou bafoué) l'honneur d'ene musulman sans aucaine droit. »* (Abu Dawud).

C'est-à-dire, celui qui passe lé temps dévoile bane défauts de so frère ou sœur musulman, ki cause derrière so lédos et salir so l'honneur. Ene tel dimoune li compté parmi bane grands

pêcheurs devant lizié d'Allah Ta'ala. L'offense en question consisté de mentionne bane défauts d'ene musulman et de propage sa scandale là parmi bane dimounes. Sa comportement là conduire le plus souvent à ene rupture et à ene éloignement entre bane frères dans la religion.

Celui qui fine subir ene l'injustice, bizin cause seulement bane parties ki li ena le droit pou dire, et faudé pas li laisse li emporter par la colère au point pou commette ene tel action ki pou capave fer li mérite punition d'Allah, so Maître! Alor sa dimoune là bizin limite li seulement à bane droits ki Allah fine donne li dans So Livre (le Quran), en exerçant la justice seulement dans mesure de sa offense ki li, victime là, fine subir. C'est-à-dire, sans livrer li, par l'esprit de vengeance pou dévoile bane défauts de so l'adversaire, malgré commié li-même li fine subir bane l'injustice envers li de façon ki bien claire ! C'est so devoir pou cachiette bane défauts de so frère ou sœur musulman et sa inclure ki li pas gagne droit cause de sa causer là avec bane les autres. Et si en plus victime là agir en bien envers celui ki fine cause li ene tort, sa pou ene bon comportement pareil couma fine enseigné dans le Quran Shareef et ki présent dans l'exemple de nous prophète (saws).

PAS TRICHER

Quant à sa dimoune qui triché dans ene activité commerciale, ou ene l'enseignement au nom de la religion, ou ene science (connaissance) de la vie ici-bas, ou dans le domaine de la médecine, ou concernant la fabrication, ou tout kit les autres qualités types d'activité ou de transaction, alor li vine obligatoire pou mette dimounes en garde contre sa qualité dimoune là et pou dévoile so tromperie afin pour conseille bane dimounes. Hazrat Muhammad (saws) fine dire:

« La religion c'est donne conseil (Naseehah). » (Muslim).

Hazrat Muhammad (saws) fine prescrire nous pou garde secret bane défauts dans plusieurs Hadiths, parmi lesquels ena sa parole ki li (saws) fine dire : *« Na pas ena ene dimoune ki cachiette, dans la vie ici-bas, bane défauts d'ene l'autre sans ki Allah voile (cachiette) so bane défauts Jour Qiyâmah. » (Muslim).*

Ene poète fine déza écrire : *« Si to oulé vive à l'abri de bane nuizances, alor to bizin veiller à saki to la chance bien grand, et ki to réputation protégé ; alors avec to la langue, pas cite personne so bane défauts, parski to-même to rempli avec défauts, et (penser ki) bane dimounes ena la langues; et kan à to lizié, même si li montré toi bane défauts de certains, alors retenir li et dire li (lizié là) : 'Ô lizié ! Bane dimounes aussi ena lizié.' Ensuite, établir bane relations paizable avec bane dimounes, pardonne à celui qui faire toi du tort, et si arriver ki to séparer de quelqu'un, faire li alor, mais selman dans façon ki pli convenable (bon). »*

Alors, mo conseille zot Ô mo bane disciples et tous bane musulmans en entier pou bien faire attention contre mauvais caractère et comportement et aussi zot bizin conne respecter zot bane frères et sœurs musulmans, ainsi ki l'humanité en entier. Zot la vies, zot dignités, zot l'honneurs et zot dibiens bizin reste en sécurité dans ou la mains. Zot bizin montrer zot toujours à la hauteur en saki concerne bane l'enseignement et pratiques islamiques, pareil couma nous bien-aimé prophète Hazrat Muhammad (saws) ti pratiqué. *Insha-Allah, Ameen.*